


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-30	Ar-Rum	60	6	Makkiyyah	Ke-84	8



Zaman Diturunkan

Surah ar-Rum diturunkan sebelum hijrah ke Habsyah sekitar permulaan tahun ke-5 Kenabian, di dalam surah ini telah pun diramalkan bahawa penaklukan orang-orang Farsi yang berterusan itu akan terhenti dan orang-orang Rum akan mengalahkan orang-orang Farsi. Pada tahun itu juga orang-orang Islam akan mendapat kemenangan. Sekitar 8 atau 9 tahun kemudian, berita gembira yang tersebut di dalam Surah ar-Rum ini telah menjadi kenyataan dimana orang-orang Rum telah dapat mengalahkan orang-orang Parsi dan pada masa yang sama orang-orang Islam telah mendapat kemenangan dalam peperangan Badar yang berlaku pada bulan Ramadhan tahun ke-2 Hijrah.

Ciri Khusus Surah ar-Rum

Di dalam Surah ar-Rum tersebut tujuh kali perkataan وَمِنْ آيَاتِهِ, ia digunakan sebagai menyatakan dalil-dalil tauhid.

Perkaitan Surah ar-Rum Dengan Surah Sebelum Dan Selepasnya

1. Di dalam Surah al-'Ankabut tersebut bermacam-macam ujian dihadapi oleh penganut-penganut Islam, di dalamnya juga tersebut tentang hijrah sementara di dalam Surah ar-Rum ini pula disebutkan dua perkara sebagai hasil daripada hijrah iaitu janji kemenangan dan pertolongan dari Allah yangmana telah menjadi kenyataan dalam bentuk kemenangan dalam perang Badar.
2. Mesej utama Surah ar-Rum ialah untuk membuktikan kebenaran hari kiamat dan hari akhirat dan surah ini berakhir dengan kata لَا يُؤْقِنُونَ (mereka tidak akan yakin dan percaya). Di dalam Surah Luqman selepas ini di dalam bahagian permulaan dan pendahuluannya lagi telah disebutkan sifat-sifat محسنين dan mereka disifatkan dengan وَهُمْ بِالْآخِرَةِ هُمْ يُؤْقِنُونَ (mereka percaya dan yakin).
3. Di dalam Surah ar-Rum ini juga dikemukakan bermacam-macam dalil tauhid dan dalil-dalil tentang wujudnya hari kemudian, di dalam Surah Luqman selepas ini pula dikemukakan dalil-dalil tauhid dan dalil-dalil untuk menolak kesyirikan.

Beberapa Kata Kunci Dan Tema Utama Surah

1. Salah satu tema terpenting Surah ar-Rum ialah akhirat dan pertemuan (لقاء) dengan Allah di akhirat.

- (a) Di dalam surah ini dinyatakan bahawa masalah sebenar ramai manusia ialah mereka tidak mempercayai hari kemudian dan tidak mempercayai juga pertemuan dengan tuhan (Ayat: 8).

وَأَنَّ كَثِيرًا مِّنَ النَّاسِ بِلِقَائِ رَبِّهِمْ لَكٰفِرُونَ ﴿٨﴾

- (b) Kepada orang-orang yang tidak percaya akan bertemu dengan Allah bahkan mendustakannya diberikan berita buruk akan mendapat azab seksaan (Ayat: 16).

وَأَمَّا الَّذِينَ كَفَرُوا وَكَذَّبُوا بِآيَاتِنَا وَلِقَاءِ الْآخِرَةِ فَأُولَٰئِكَ فِي الْعَذَابِ مُحْضَرُونَ ﴿٥٠﴾

(c) Hujan dikemukakan sebagai dalil dan bukti bagi adanya hari kebangkitan, dimana Allah menyuburkan dan menghidupkan muka bumi setelah menurunkan hujan, begitulah juga Dia akan menghidupkan orang-orang yang mati (Ayat: 50).

فَأَنْظِرْ إِلَىٰ آثَارِ رَحْمَتِ اللَّهِ كَيْفَ يُحْيِي الْأَرْضَ بَعْدَ مَوْتِهَا إِنَّ ذَٰلِكَ لَمُنْجَىٰ الْمَوْتَىٰ

(d) Dalil عقلي untuk akhirat juga diberikan iaitu Allah mengeluarkan yang hidup dari yang mati dan mengeluarkan yang mati dari yang hidup. Pada pokok terdapat biji benih dan daripada biji benih pula tumbuh pokok, ayam keluar daripada telur dan telur pula keluar dari ayam, begitu juga manusia akan dihidupkan dengan dibangkitkannya dari kubur (Ayat: 19).

يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَيُحْيِي الْأَرْضَ بَعْدَ مَوْتِهَا وَكَذَٰلِكَ نُخْرِجُكَ ﴿٥١﴾

(e) Akibat kelalaian manusia, didedahkan bahawa manusia di sepanjang hayatnya hilang (habis umur) dalam kelalaian, mereka lalai terhadap kehidupan akhirat (Ayat: 7).

يَعْلَمُونَ ظَاهِرًا مِّنَ الْحَيَاةِ الدُّنْيَا وَهُمْ عَنِ الْآخِرَةِ غٰفِلُونَ ﴿٥٢﴾

2. Ketua-ketua orang-orang kafir Quraisy diingatkan bahawa sejarah menjadi saksi Allah telah menghukum orang-orang yang berdosa dan memberi pertolongan kepada orang-orang mu'min.

(a) Allah pasti akan menolong orang-orang yang beriman kepada rasul terakhir yang diutusNya dan orang-orang musyrikin Mekah pasti akan menerima kekalahan (Ayat: 47).

وَلَقَدْ أَرْسَلْنَا مِن قَبْلِكَ رُسُلًا إِلَىٰ قَوْمِهِمْ فَجَاءَهُم بِالْبَيِّنَاتِ فَأَنْتَقَمْنَا مِنَ الَّذِينَ أَجْرُمُوا وَكَانَ حَقًّا عَلَيْنَا نَصْرُ الْمُؤْمِنِينَ ﴿٥٣﴾

(b) Orang-orang yang tenggelam dalam kehidupan dunia dan leka terhadap akhirat, pada hari kiamat kelak akan bersumpah bahawa mereka hanya hidup di dunia sekejap sahaja (Ayat: 55).

وَيَوْمَ تَقُومُ السَّاعَةُ يُقْسِمُ الْمُجْرِمُونَ مَا لَبِثُوا غَيْرَ سَاعَةٍ

3. Terdapat tujuh ayat di dalam surah ini dimulakan dengan lafaz وَمِنْ آيَاتِهِ.

Ia diguna untuk menyatakan aqidah tauhid, kekuasaan Allah dan hikmatNya. Ia juga dikemukakan sebagai dalil bagi adanya hari akhirat.

(a) Di dalam ayat ke-20, setelah menyatakan hakikat manusia dijadikan daripada tanah, dibuktikan adanya tauhid kekuasaan dan iradat Allah (Ayat: 20).

وَمِنْ آيَاتِهِ أَنْ خَلَقَكُمْ مِّنْ تُرَابٍ ثُمَّ إِذَا أَنْتُمْ بَشَرٌ تَنْتَشِرُونَ ﴿٥٤﴾

(b) Di dalam ayat ke-21 dinyatakan kejadian pasangan-pasangan manusia dan kasih sayang yang terjalin di antara mereka sebagai dalil kekuasaan Allah (Ayat: 21).

وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَعْقِلُونَ ﴿٢١﴾

(c) Ayat ke-22 menyatakan kejadian langit dan bumi dan perbezaan bahasa serta warna kulit manusia juga merupakan dalil kepada tauhid qudrat Allah (Ayat: 22).

وَمِنْ آيَاتِهِ خَلْقُ السَّمَوَاتِ وَالْأَرْضِ وَخِلَافُ أَلْسِنَتِكُمْ وَالْوَبْشِكُمْ

(d) Ayat ke-23 menyatakan kejadian malam dan siang dan tujuannya, ia merupakan dalil tentang adanya hikmat Allah. (Ayat: 23).

وَمِنْ آيَاتِهِ مَنَامُكُمْ بِاللَّيْلِ وَالنَّهَارِ وَابْتِغَاؤُكُمْ مِنْ فَضْلِهِ

(e) Ayat ke-24, kilat dan hujan dijadikan dalil untuk akhirat dan juga dalil untuk kekuasaan Allah (Ayat: 24).

وَمِنْ آيَاتِهِ يُرِيكُمْ الْبَرْقَ خَوْفًا وَطَمَعًا وَيُنْزِلُ مِنَ السَّمَاءِ مَاءً فَيُخْرِجُ بِهِ الْأَرْضَ بَعْدَ مَوْتِهَا

(f) Ayat ke-25 menerangkan tentang langit dan bumi wujud dengan kekuasaan dan kehendak Allah, ia juga merupakan dalil qudrat dan dalil adanya hari akhirat (Ayat: 25).

وَمِنْ آيَاتِهِ أَنْ تَقُومَ السَّمَاءُ وَالْأَرْضُ بِأَمْرِهِ ثُمَّ إِذَا دَعَاكُمْ دَعْوَةً مِنَ الْأَرْضِ إِذَا أَنْتُمْ تَخْرُجُونَ ﴿٢٥﴾

(g) Di dalam ayat ke-46 tersebut angin dan kapal-kapal sebagai dalil kekuasaan Allah dan kewujudan hari akhirat, setelah mengemukakan sifat rububiyah Allah, manusia dituntut supaya bersyukur (Ayat: 46).

وَمِنْ آيَاتِهِ أَنْ يُرْسِلَ الرِّيَّاحَ مُبَشِّرَاتٍ وَلِيُذِيقَكُمْ مِنْ رَحْمَتِهِ وَلِيُخْرِجَ الْفُلْكَ بِأَمْرِهِ وَلِيُتَبَتَّعُوا مِنْ فَضْلِهِ وَلَعَلَّكُمْ تَشْكُرُونَ ﴿٤٦﴾

4. Dalil-dalil أنفسي

(a) Dalil أنفسي untuk tauhid telah dikemukakan dalam bentuk suatu perbandingan kepada orang-orang yang beraqal bahawa mereka tidak menganggap hamba-hamba yang dimiliki mereka sama dengan orang-orang yang merdeka. Jadi bagaimana akan dianggap Allah seperti makhluk? (Ayat: 28).

ضَرَبَ لَكُمْ مَثَلًا مِنْ أَنْفُسِكُمْ هَلْ لَكُمْ مِنْ مَا مَلَكَتْ أَيْمَانُكُمْ مِنْ شُرَكَاءَ فِي مَا رَزَقْتَكُمْ فَأَنْتُمْ فِيهِ سَوَاءٌ تَخَافُونَهُمْ كَخِيفَتِكُمْ أَنْفُسَكُمْ

كَذَلِكَ نُفَصِّلُ الْآيَاتِ لِقَوْمٍ يَعْقِلُونَ ﴿٢٨﴾

(b) Dalil-dalil أنفسي untuk akhirat, manusia diseru supaya merenungi diri sendiri bahawa Allah tidak menjadikan seluruh alam ini tanpa tujuan, ia adalah tempat ujian. Oleh itu manusia hendaklah menerima

adanya hari akhirat dan hendaklah hidup berpandukan hukum-hukum Allah (Ayat: 8).

أَوْ لَمْ يَتَفَكَّرُوا فِي أَنْفُسِهِمْ ۚ مَا خَلَقَ اللَّهُ السَّمَوَاتِ وَالْأَرْضَ وَالْأَرْضَ وَمَا بَيْنَهُمَا إِلَّا بِالْحَقِّ وَأَجَلٍ مُّسَمًّى ۚ وَإِنَّ كَثِيرًا مِّنَ النَّاسِ بِلِقَائِ رَبِّهِمْ

لَّكَافِرُونَ ﴿٨﴾